

13. Kedźbujće, stójće we wěrje, skutkujće mužnje a wobkrućejće so.*

14. Wšitko waše njech so stanje w lubosći.

15. Prošu pak was, bratřa, znajeće dom Stefanasa a Fortunata a Achaika, zo su přěnički z Achaje a zo su sebje samych postajili k službje swjatych;*

16. Zo byšće tež wy tajkim poslušni byli* a kóždemu, kotryž sobu skutkuje a so prócuje.

17. Wjeselu pak so na přitomnosći Stefanasa a Fortunata a Achaika, dokelž štož wam so njedóstawaše,* woni narunachu.

18. Přetož wokřewichu mojeho ducha

a tež wašeho. Připóznawajće tohodla, zo tajcy su.*

19. Postrowjeju was cyrkwe Asije. Postrowjataj was jara w Knjezu Aquila a Priscilla ze swojej domjacej zhromadźizny,* pola kotrejuž mam tež hospodu.

20. Postrowjeju was wšitcy bratřa; postrowće so mjez sobu we swjatym wokošenju.*

21. Postrow z mojej, Pawołowej ruku.*

22. Njelubuje-li něchtó našeho Knjeza Jězusa Khrystusa, budź poklaty, maran atha.*

23. Milosć našeho Knjeza Jězusa Khrystusa budź z wami;

24. Moja lubosć je z wami wšitkimi w Khrystusu Jězusu. Amen.*

DRUHI LIST S. JAPOŠTOŁA PAWOŁA NA KORINTHSKICH.

STAW I.

Japoštoł pokazuje, z kak wulkich čěsnosći, wo Asiji nastatych, je Knjez jeho wumóžil, zo by tež druhich pokojował. Potom pokazuje zjawnje na wěrnosć swojeje wutroby a wučby, zo, hač runje bě sebi předewzał, k nim přinć, tola nětko njemóže, a praji, zo je wěrnosć jeho předowanja wobtwjerdžena.

Pawoł japoštoł Jězusa Khrystusa z wole Božeje, a bratr Timotheus,* cyrkwi Božej,

kotraž je w Korinće, ze wšěmi swjatymi, kotřiž su we wšej Achaji.**

2. Milosć wam a měř wot Boha našeho Wótea a Knjeza Jězusa Khrystusa.

3. Khwaleny budź Bóh a Wóte našeho Knjeza Jězusa Khrystusa, Wóte smilnosće a Bóh wšoho pokoja,*

4. Kotryž nas pokoji we wšej našej čěsnosći, zo bychmy tež sami pokojić

13. Hladajće so njepřećeli wěry, wojujće přećiwu nim, a budźće swěni we wěrje. — 15. Poruča Korinthskim Stefanasa a Fortunata a Achajika, kotřiž běchu k njemu do Efesa přišli a nětko jeho list do Korintha njesechu; Pawoł so boješe, zo bychu někotři jeho přećiwnicy jich hidzić móhli, a tuž spomina na jich zaslužby, zo su najpřěniši w Achaji byli, kotřiž křesćanstwo přijachu a dobrowólne a wjesele wosadže služachu. — 16. Dokelž su telko woporow přinjesli, słuša so, zo byšće jich posluchali. — 17. t. r. was woni zastupichu; wy mi pobrachowašće, a woni běchu za was přítomni. — 18. t. r. ze swojej přítomnosću mje změrowachu a zwjeselichu, a tež wam dyrbi lubo być, zo su ze mnu přećelne wobkhađeli; tohodla budźće jim dzakowni. — 19. Hl. Jap. sk. 18, 2. 18; Romsk. 16, 3. — 20. Wokošenje plačeše za wuraz bratrowskeje lubosće. — 21. Pawoł podpisa list, kotryž bě pisarjej předprajal, ze samotnej ruku. — 22. Štóž je Knjeza Jězusa spóznał přez wěru, a jeho njelubuje, budź začisnjeny. Aramejske słowo: maran atha: Knjez přinć, mjenujcy k sudu, a potom dopjelni so pokleće. — 24. Was wšitkich lubuju bjez rozděla, dokelž smy wšitcy zjednoćeni w Khrystusu, kotryž je naš wjěch.

I. 1. Kaž w přěnim lisće na Korinthskich Sosthenes, tak mjenuje so w tutom druhim Timotheus jako Pawołowy pomocnik; na njeho mamy tohodla přede wšim myslić (a potom na druhich wučownikow), hdyž Pawoł rěči: my abo mój. ** t. r. wšěm křesćanam, kotřiž w Korinće a we wokolinje bydla. — 3. t. r. smilny, dobroćiwý Bóh, kiž tež čłowjeskej wutrobje prawy pokoj wudžěla.